

L.W. 6.07.2018

PINNWAND

Summervakanze mat Young Caritas



Lëtzebuerg. All Joer bitt d'Caritas Jeunes et Familles am Kader vun der Young Caritas vill verschidde Kolonië fir Kanner a Jugendlecher un. Dës Kolonië ginn net nëmmen duerch en uspriechend Vakanzenzil onvergesslech mä och duerch ënnerschiddlech fräiwëlleg Moniteuren, déi dat ganzt leeden a gestallten. Lass geet et den 21. Juli mat der Kolonie „Fann den Nemo“ um Misärshaff fir Kanner vun sechs bis acht Joer, eng Rees déi vill Iwwerraschunge mat sech bréngt. „Eviva Espana“ vum 25. Juli bis de 7. August ass dann déi éischt Auslandskolonie dëse Summer, an zwar a Spuenien mat vill Sand, Sonn a Waasser fir Kanner zwëschen acht an zwoelf Joer. Traditionell steet och erëm d'Kolonie „Camargue II“ während zwoelf Deeg fir Jugendlecher am Süde vu Frankräich um Programm. Zwou Wochen an Éisterräich geet et fir déi Jonk vun acht bis zwoelf Joer bei „Hills Sun and Fun“. Erëm zeréck zu Lëtzebuerg ginn nach zwou weider Kolonien ugebueden. Fir déi Sechs- bis Aachtjäreg geet et vu Bilschdref aus „A 6 Deeg ëm d'Welt“, an déi Jonk zwëschen acht an zwoelf Joer erwaart vum 19. bis den 29. August vill Action a Spaass zu Diddeleng bei „Léifreg Aktiv goes South“. Bei der Young Caritas kritt jiddereen d'Méiglechkeet, fir mat an d'Vakanz ze goen. Kanner oder Jugendlech aus sozial schwache Famillje kënnen eng

Präisreduktioun ufroen. Weider Infoe sinn um Internetsite ze fannen.

Young Caritas via mywort.lu

■ www.youngcaritas.lu